



UNIVERSITÄTS-
BIBLIOTHEK
PADERBORN

SANCTI|| IOANNIS|| DAMASCENI OPERA,||

Johannes <Damascenus>

Parisiis, 1577

De filiis: & quòd eos parentes metuere, atque honore afficere oporteat.
cap. xxxviii.

[urn:nbn:de:hbz:466:1-71880](https://nbn-resolving.org/urn:nbn:de:hbz:466:1-71880)

Chryst. Pauper mutationem non extimescit. Quod si etiam aduersus aliquid accidat, facile id feret, ut qui per egestatem philosophari iam, patientiamque prestare assueverit. Diues contra non modo mutationem aliquam perferre nequit, sed, vel si dumtaxat eam expectet, ridiculum se prabet, anxietate nimium laborans, & indignè ferens, ac vitam quavis morte acerbiozem ducens. Et quemadmodum qui in mediterranea regione educati sunt, si vel solum in portum descenderint, atque in nauem ascenderint, in summa animi anxietate ac molestia versantur, grauibusque tenebris obsessi, cuncta circumagi putant, cum contra ij qui maria multa peragrarunt, ne imminente quidem naufragio facile perturbentur, ut qui natandi periti sint, atque impendens periculum euitare possint: eodem modo etiam in diuitibus & pauperibus vsu venit. Etenim locupletes & copiosi homines, ne leuem quidem mutationem strenuo animo excipiunt, verum patientia expertes sunt, ut qui in luxu ac delicijs perpetuo viuunt. At pauperes, ut qui multos fluctus peragrarint, ac multorum naufragiorum periculum fecerint, ad omnia firmi atque immoti manent, ac tempestates omnes ludibrio habent. Nec verò hoc dumtaxat admirandum est, quod mutationes forti ac generoso animo ferant: sed quia ne facile quidem in eas incidunt. Ecquis enim pauperi negotium faceffere in animum inducat, cum ab illius paupertate nihil commodi percepturus sit?

Paupertas Dei larua est. Qui paupertatem studiosè coluerunt, ad Deum semper appropinquant.
Euag. 7. O quanta paupertatis dignitas est! Dei velut larua efficitur. Delitescit enim sub paupertate Deus. Ac pauper quidem est, qui supplicem manum protendit: Deus autem est, qui accipit.
Euag. 7. Peregrinus & pauper, Dei sunt collyrium. Qui eos excipit, confestim visum recipiet. H

De filiis: & quòd eos parentes metuere, atque honore afficere oporteat.

CAP. XXXVIII.

Exod. 20.

Deut. 5.

Pro. 1.

Hier. 35.

Ecli. 3.



HONORA patrem tuum & matrem tuam, ut sis longæuus super terram. Vnusquisque patrem suum & matrem timeat.

Honora patrem tuum, & matrem tuam, sicut præcepit tibi Dominus Deus tuus: ut bene sit tibi in terra, quam Dominus Deus tuus daturus est tibi.

Audi, fili mi, disciplinam patris tui, & ne dimittas legem matris tuæ: ut addatur gratia capiti tuo, & torques collo tuo.

Audi patrem tuum: & ne contemnas matrem tuam, cum senuerit. Filius sapiens glorificat patrem.

Posui coram filiis domus Rechabitarum scyphos plenos vino, & calices, & dixi ad eos, Bibite vinum. Qui responderunt, Non bibemus vinum: quia Ionadab pater noster præcepit nobis, dicens, Non bibetis vinum vos & filij vestri vsque in sempiternum. Et domum non ædificabitis, & sementem non seretis, & vineas nõ plantabitis, nec habebitis: sed in tabernaculis habitabitis cunctis diebus vestris, ut viuatis diebus multis super faciem terræ, in qua peregrinamini. Obediuimus ergo voci Ionadab patris nostri, ita ut non biberemus vinum cunctis diebus nostris, nos & mulieres nostræ, filij & filia nostræ. Idcirco hæc dicit Dominus: Pro eo quòd obedistis præcepto Ionadab patris vestri, & custodistis omnia mandata eius, & fecistis vniuersa, quæ præcepit vobis: non deficiet vir de stirpe Ionadab filij Rechab, stans in conspectu meo cunctis diebus.

Qui diligit Deum, exorabit pro peccatis. Et sicut qui thesaurizat, ita & qui honorificat matrem suam. Qui honorat patrem suum, iucundabitur in filiis, & in die orationis suæ exaudietur. Qui honorat patrem suum, vita viuere longiore: & qui obedit patri, refrigerabit matrem. Qui timet Dominum, honorat parètes, & quasi dominis seruiet his qui se genuerunt. In opere, & sermone, & omni patientia honora patrem tuum, ut superueniat tibi benedictio à Deo. Benedictio patris

A patris firmat domos filiorum : maledictio autem matris eradicat fundamenta. Fili fuscipe senectam patris tui: & non contristes eum in vita illius: & si defecerit sensu, veniam da: & ne spernas eum in virtute tua. Eleemosyna enim patris non erit in obliuione. In toto corde tuo honora patrem tuum: & genitum matris tuæ ne obliuiscaris. 7.

Filij, obedite parentibus vestris in Domino. Hoc enim iustum est. Honora patrem tuum, & matrem tuam: (quod est mandatum primum in promissione:) vt bene sit tibi, & sis longæuus super terram. Ephes. 6.

Filij, obedite parentibus per omnia. Hoc enim placitum est Domino, & Deo nostro. Col. 3.

B Ciconiarum circa eas, quæ senectute affectæ sunt, cura, ad filios paterno amore inflammas, si animum attendere velint, satis momenti habet. Omnino enim nemo vsque adeo prudentia inops est, quin turpe atque ignominiosum censeat auiibus, à ratione auersissimis, virtute inferiorem esse. Ciconia porro patrem præ senectute iam pennis orbatum in orbem cingentes, alis suis fouent, atque vberem ei alimoniam suppeditantes, eam etiã, quam possunt, in volatu opem præbent, leuiter nimirum eum vtrinque pennis suis subleuant. Atque hoc ita apud omnes sermone celebratum est, vt iam etiam nonnulli beneficiorum remunerationem appellent.

Probi & candidi liberi magna à parentibus encomia exposcunt.

C Fac quod bonum est: quia bonum est patri obtemperare: etiamsi alioqui nihil inde lucri ad te rediturum sit. Nam hoc ipsum merces est, patri gratificari atque obsequi. Nat.

Filij parentibus cedant oportet. Ceterum vbi veritatis sermo ac doctrina vrger, præferatur Deus, ac, quæ sua sunt, obtineat. Incert.

Parentibus equam gratiam referre impossibile est. Neque enim eos vicissim gignere quisquam potest.

Parentes honore affice. Hæc enim lex diuina & naturalis est. Beatus est, qui parentes oblectat, non secus ac terra eos, qui ad iacta semina amplificanda labores pertulerunt. Iosephi.

Parentibus obtemperare pium est, ac Deo gratum.

D De parricidis & matricidis: & quæ mala eos sequantur, qui parentes aspernantur, usque minimè parent. CAP. XXXIX.



VI percusserit patrem suum aut matrè, morte moriatur. Qui maledixerit patri suo vel matri, morte moriatur. Exod. 21.

Qui maledixerit patri vel matri, morte moriatur. Patri matrique qui maledixerit, sanguis eius sit super eum. Leuit. 20.

Si genuerit homo filium contumacem & proteruum, qui non audierit patris ac matris imperium, & coërcitus obedire contempserit: apprehendent eum, & ducent ad seniores ciuitatis illius, & ad portam iudicij, dicentque ad eos, Filius noster iste proteruus, & contumax est, monita nostra audire contemnit, comestationibus vacat, & luxuriæ atque conuiujs: lapidibus eum obruet populus ciuitatis, & morietur. Maledictus qui non honorat patrem suum, & matrem suam, & dicet omnis populus, Amen. Num. 21.

Filius inobediens in perditione erit. Qui inhonorat patrem, & reiiicit matrem suam, confundetur, & probro afficietur. Qui maledicit patri vel matri, extinguetur lucerna eius, & pupillæ oculorum ipsius videbunt tenebras. Oculum qui subsannat patrem, & qui despicit partum matris suæ, effodiant eum corui de torrentibus, & comedant eum filij aquilæ. 27.

Qui abiicit patrem & matrem, & putat se non peccare, hic socius est viri impij. Quàm impius est, qui derelinquit patrem: & maledictus à Deo, qui ex-

Prou. 29.

20.

30.

Ecli.

3.